

23-02-2026

**आकाशवाणी**

खबरां जगमोहन शर्मा कोला,

खास-खास खबरां:-

1. प्रधानमंत्री नरेन्द्र मोदी होरें आखेया ऐ जे भारत- इजरायल कन्नै अपने सरबंधें गी बड़ा मता महत्व दिंदा ऐ- जेहड़े बसार-भरोसे- नवाचार- रमानदारी ते तरक्की बाददे दे सांझे धेइए पर टिके देन।
2. राष्ट्रपति भवन च अज्जै थमां “राजा जी” उत्सव मनाया जा”रदा ऐ। इस मौके अजाद भारत दे पैहले गवर्नर जनरल सी.राजगोपालाचारी हुंदी मूर्ति परा बी पड़दा गोआड़ेया जाहगा।
3. महाराष्ट्र सरकार नै गृहमंत्री हुंदे अग्गे साबका उप-मुख्यमंत्री अजित पवार हुंदी विमान हादसे च मौत आहली घटना दी सी.बी.आई जांच करोआने दा आग्रह कीता ऐ।
4. भारत नै पाकिस्तान आसेया अफगानिस्तान पर कीते गेदे ब्हाई हमले दी निंदेया करदे होई आखेया ऐ जे रमजान दे पवित्र महीने च इस चाल्ली दी कारवाई गी कदे जायज नैई ठहराया जाई सकदा ते भारत- अफगानिस्तान दी क्षेत्रीय अखंडता ते सम्प्रभुता दा पूरा सम्मान करदा ऐ।
5. ओमान नै इस गल्लै दी तस्दीक कीती ऐ जे अमरीका ते इरान इस महीने दी 26 तरीक गी जनेवा च गल्लबात दा इक होर गेइ लाडन।
6. आई.सी.सी. टी-20 विश्व कप दे इक सुपर -8 मकाबले च भारत गी दक्खन अफ्रीका कोला 76 रन्ज दी हार दा सामना करना पेया।

<><><><><>

**PM-Israel**

प्रधानमंत्री नरेन्द्र मोदी होरें आखेया ऐ जे भारत- इजरायल कन्नै अपने सरबंधें गी बड़ा महत्व दिंदा ऐ ते एह सरबंध बसाह- भरोसे- नवाचार- रमानदारी ते तरक्की -बाददे लेई सांझी प्रतिबद्धता पर आधारित न। इजरायल दे प्रधानमंत्री बेजामिन नेतन्याहू हुंदी इक सोशल मीडिया पोस्ट पर प्रतिक्रिया दिंदे होई मोदी होरें आखेया जे भारत ते इजरायल बश्कार सरबंधें च बड़ी मती ते अहम बन्न-सबन्नता ऐ। उनें आखेया जे इजरायल दी अपनी औंदी यात्रा दे दौरान ओ- दौनें धड़े बश्कार सकारात्मक विचार-बटांदरा करने गी लेइयै ओ बड़े मते उत्सुक न। एहदे शा पैहले इजरायली प्रधानमंत्री होरें इक सोशल मीडिया पोस्ट च आखेया हा जे दौनें देशे दे सरबंध दंऊ वैश्विक नेताएं दा इक निगगर गठबंधन ऐ।

<><><><><>

**Rajaji Utsav**

राष्ट्रपति भवन च अज्जै “राजा जी” उत्सव मनाया जाहगा। इस बारे प्रधानमंत्री नरेन्द्र मोदी होरें कल अपने रेडियो कार्यक्रम “मन की बात” च आखेया हा- कि अजादी दे बाद भारत दे पैहले गवर्नर जनरल सी. राजगोपालाचारी हुंदी मूर्ति राष्ट्रपति भवन दे बश्कारले बेहड़े च ब्रिटिश वास्तुकला एडविन लुटियंस हुंदी मूर्ति दी थाहर लाई जाहगा। मोदी होरें सी. राजगोपालाचारी होरें गी उ’नें नेताएं चा इक दस्सेया जिनें हकूमत गी ओहदा ते ताकत नैई- सगुआ सेवा दा रुप मन्नेया। उ’नें आखेया जे

एह बड़ी मंदें भागगे आहली गल्ल ऐ कि अजादी दे बाद बी ब्रिटिश प्रशासकें दियां मूर्तियां- राष्ट्रपति भवन च लग्गी रौहन दितियां गेइयां ते भारत दे महान सपूत नेताएं ते महान बलिदानियें गी थाहर नैई दिती गेई। “राजा जी” उत्सव दे दौरान अज्जै कोला पैहली मार्च धोड़ी सी. राजगोपालाचारी हुंदे पर इक नमैश दा सरिस्ता बी कीता जा’रदा ऐ।



#### **Fadnavees- Crash**

महाराष्ट्र सरकार नै केन्द्री गृहमंत्री अमित शाह हुंदे अगगे- पिच्छले महीने राज्य दे उपमुखमंत्री अजित पवार हुंदे जहाज दे हादसे शा शकार होने दी घटना दी सी.बी.आई कोला जांच करोआने दा आग्रह कीता ऐ। कल मुम्बई च इक संवाददाता सम्मेलन गी सम्बोधित करदे होई मुखमंत्री देवेन्दर फडनवीस होरें आखेया जे महायुक्ति सरकार हादसे सरबंधि सब्भनं शेंकाएं गी दूर करने दी पूरी कोशश करोग।



#### **India –Pak Strike**

भारत नै पाकिस्तान आसेया अफगानिस्तन च कीते गेदे ब्हाई हमले दी निंदेया कीती ऐ। भारत नै काबुल दी संप्रभुता प्रति अपना समर्थन प्रगट करदे होई आखेया जे पाकिस्तान नै इक बारी परतियै अपनी अंदरूनी समस्याएं परा दुनिया दा ध्यान बंडाने लेई एह हमला कीता ऐ। इक प्रैस कांफ्रेंस दौरान इस बारे पुच्छे गेदे इक सोआले दा परता दिंदे हेई विदेश मंत्रालय दे प्रवक्ता रणधीर जैसवाल होरें आखेया कि रमज़ान दे पवित्र महीने च इस चाल्ली दी हरकत जेहदे च महिलायें दे बच्चें दी बी जान गेई ऐ गी कदे बी सेही नैई ठहराया जाई सकदा। उनें जोर देइयै आखेया जे भारत- अफगानिस्तान दे सम्मान- क्षेत्रीय अखंडता ते सम्प्रभुता दा पूरा सम्मान करदा ऐ।



#### **US –Iran Talks**

ओमान नै इस गल्लै दी तस्दीक कीती ऐ जे अमरीका ते इरान इस महीने दी 26 तरीक गी जनेवा च गल्लबात दा इक होर गेइ लागन। दौनै मुख्यें बशकार तहरान दे परमाणु कार्जक्रम गी लेइयै तनोतनी दिनो-दिन बधदी जा करदी ऐ। ओमान दे विदेशमंत्री बद्र अल बुसैयदी होरें इस पुष्ठी दी घोषणा कीती ऐ।



#### **US Secret Service**

अमरीका दे खूफिया विभाग FBI नै फ्लोरिडा दे Palm Beach स्थित राष्ट्रपति डोनाल्ड ट्रम्प हुंदी Mar-a-Lago आहली रिहायश दा सुरक्षा घेरा त्रोटिये अंदर बडने आहले इक थेहारबंद आदमी गी मारी मकाया ऐ। इस घटना दे समें राष्ट्रपति ट्रम्प ते उन्दी घरें आहली मेलानिया ट्रम्प उस्सले उत्थै मजूद नेही हे- ओ वांशिगंटन स्थित व्हाईट हाउस च हे। मारे गेदे इस आदमी दी पंछान 21एं बरे दे ऑस्टिन टकर मार्टिन दे रुपै च होई ऐ- जेहड़ा उतरी कैरोलिना दे कैमरून दा बसनीक ऐ- ओहदे शा इक शाटगन ते गैस दा डब्बा बी बरामद कीता गया ऐ। अमरीकी खूफिया सेवा दे दंऊ एजेंटे ते Palm Beach दे काउंटी शेरिफ दे इक डिप्टी नै ओहदा मकाबला कीता जिस दौरान उसी गोली मारी गेई। जानकारी मुजब इस आदमी दे परोआर आहले किश

रोज पैहले ओहदे लापता होने दी सूचना दिती ही। FBI दे निदेशक काश पटेल हों दसेया ऐ जे इस आदमी दा पंछान ते ओहदी इस हरकत पिच्छे दी मंशा दा पता लाने लई बक्ख-बक्ख पहलुएं पर जांच कीती जा'रदी ऐ।

<><><><><>

**T-20 WC**

मर्दे दे आई.सी.सी. टी-20 क्रिकेट विश्व कप च कल भारत गी सुपर-8 मुकाबले च दक्खन अफ्रीका थमां 76 रन्जें कन्नै हार दा सामना करना पेया। अहमदाबाद च खेड्डें गेदे इस मैच च पैहले बल्लेबाजी करदे होई दक्खन अफ्रीका नै तय 20 ओवरें च 7 विकटें दे नुकसान पर 187 रन्ज बनाएं। परते च भारत दी पूरी टीम 18 ओवरें ते 5 गेदें च 111 रन्जें पर आउट होई गेई। दक्खन अफ्रीका लेई मार्को जैनसन नै 4 ते केशव महाजन नै 3 विकटां लैतियां। 35एं गेदें च 63 रन्ज बनाने आले डेविड मिल्लर गी मैन ऑफ द मैच चुनेया गया। अज्ज संजा 7 बजे मुम्बई दे वानखेड़े स्टेडियम च सुपर-8 दे मुकाबले च जिम्बाब्वे ते वैस्ट इंडिज दियां टीमां आमने-सामने होगंन।

<><><><><>

**Read by** : **Jagmohan Sharma**  
**Stand by** : **Vijay Bajaj**  
**D.E.O.** : **Rajni Devi**  
**Skilled** : **Rajat Paul**  
**Editor** : **Kunal Shrivatsa**